

Article 2

Kakapusan

ANG KONSEPTO NG KAKAPUSAN ATING BANSA

Marami nang naisulat ang mga dalubhasa/eksperto tungkol sa pagdating ng isang malaking kapahamakan sa tao na magmumula sa kakulangan ng fresh water upang magamit ng tao at agrikultura sa mga susunod na dekada. Ang ilan sa mga nagpahayag ng kanilang ideya ay sina Sir Nicholas Stern (United Kingdom, 2006), Dr. Rajendra Pachauri (United Nations, 2007), at dating Pangalawang Pangulo Al Gore (US, 2007). Ayon sa mga environmentalist, ang World War III ay maaaring magsimula hindi dahil sa pandaigdigang terorismo o pag-aagawan ng teritoryo, kundi dahil sa pagkawala ng tubig tabang (fresh water), at malinis na tubig bunga ng global warming at climate change.



Ang ika-20 siglo ay tinawag na "Century of Petroleum" kung saan ang mga bansa, lalo na ang "super powers," ay naglalaban-laban nang dahil sa langis. Ang pagkakaroon ng malawakang polusyon, pagkatuyo ng mga ilog, at ang laganap na paglobo ng populasyon ay napapanahong usapin sa lahat ng dako kabilang na ang Pilipinas. Sa kabilang banda, ang ika-21 siglo ay maaaring tawaging "Century of Water" na ang mga tao, saanman panig ng mundo, mahirap o mayaman, ay maaaring makipaglaban at patayin ang isa't isa nang dahil sa pangangailangan sa tubig kahit na nasa baso, timba, lawa, o watershed. At, ito ang pinakamapanganib sa lahat ng labanan na ang hidwaan ay sa pagitan ng kapatid laban sa kapatid, ama laban sa anak at asawang lalaki laban sa anak at

asawang babae nang dahil sa kanilang pagkauhaw bunga ng kakulangan ng ligtas na tubig na maiinom na maaaring magdulot ng kamatayan sa buong daigdig. Ang pagdanak ng dugo at pagkakaroon ng epidemya bunga ng kawalan ng malinis na tubig ay higit na nakatatapot kaysa sa pagkakaroon ng anumang nuclear war o natural catastrophe. Fidel V. Ramos, BizNews Asia, Enero 31, 2010



Sagutin ang mga tanong sa inyong kuwaderno.

1. Ano ang maaaring ibunga ng pag-aagawan ng mga tao sa malinis na tubig?
2. Bakit nawawala na ang malinis at ligtas na inuming tubig?
3. Paano maaapektuhan ang buong daigdig sa pagkawala ng tubig tabang (fresh water) at malinis na tubig?